

欽定四庫全書

子部

普濟方卷十六



南京中医药大学图书馆版权所有

欽定四庫全書

普濟方卷十六

明

周王朱橚撰

心臟門

總論

夫心主神神者五臟專精之本也為帝王監領四方夏
王七十二日位在南方離宮火也有生之來謂之精兩
精相搏謂之神所以任物謂之心神者心之藏也舌者
心之官故心氣通於舌舌和則能審五味矣心在竅為

耳夫心者火腎者水也水火相濟心氣通於舌舌非竅也其通於竅者寄見於耳左耳丙右耳丁循環炎宮上出唇口知味榮華於耳外主血內主五音心重十二兩中有三毛七孔盛精汁三合神名哤哤主藏神號五神居隨節應會故云心藏脉脉合神在氣為吞在液為汗心氣虛則悲不已實則咲不休心氣虛則夢救火陽物得其時則夢燔灼心氣盛則夢喜笑恐懼厥氣客於心則夢丘山煙火凡心臟象火與小腸合為腑其經手少

陰與太陽為表裏其脉洪相於春王於夏夏時萬物洪
盛垂枝布葉皆下垂如曲故名曰鈎心脉洪大而長洪
則衛氣實實則氣無從出大則榮氣萌萌洪相薄可以
發汗故名曰長長洪相得即引水漿溉灌經絡津液皮
膚太陽洪大皆是母軀幸得戊巳用牢根株陽氣上出
汗見於頭五內乾枯胞中空虛醫反下之此為重虛脉
浮有表無裏陽無所使不但危身并中其母 夏脉如
鈎夏脉心也南方火也萬物之所以盛長也故其氣來

盛去衰故曰鈞反此者病何如而反其氣來盛去亦盛
此謂之太過病在外其來不盛去反盛此謂不及病在
內太過則令人身熱而膚痛為浸淫不及則令人煩心
上見欬唾下為氣泄 心脉來累累如連珠如循琅玕
曰平夏以胃氣為本心脉來喘喘連屬其中微曲曰心
病心脉來前曲後倨如操帶鈞曰心死 真心脉至堅
而搏如循薏苡子累累然色赤黑不澤毛折乃死 夏
胃微鈞曰平鈞多胃少曰心病但鈞無胃曰死胃而有

石曰冬病石甚曰今病 心藏脉脉舍神怵惕思慮則傷
神神傷則恐懼自失破腠脫肉毛悴色夭死于冬 手少陰氣
絕則脉不通少陰者心脉也心者脉之合也脉不通則血不
流血不流則髮色失澤面黑如漆葉者血先死壬篤癸死水勝
火也 心死脉浮之實如豆麻擊手按之益躁疾者死夏心
火王其脉浮大而散一作弦 曰平反得弦細而長者是肝之乘
心母之歸子為虛邪雖病易治反得大而緩者是脾之乘心
子之乘母為實邪雖病自愈反得沈濡而滑者是腎之乘

心水之尅火為賊邪大逆十死不治反得微澀而短者是
肺之乘心金之陵火為微邪雖病即瘥腎乘心必癢左
手關前寸口陰絕者無心脉也若心下熱痛掌中熱時時
善嘔口中傷爛刺手少陽治陽左手關前寸口陰寔者心
實也若心下有水氣憂恚發之刺手心主治陰 心脉來
累累如貫珠滑利再至曰平三至曰離經病四至脫精五
至死六至命盡手少陰脉也 心脉急甚為瘕瘕微急為
心痛引背食不下緩甚為狂笑微緩為伏梁在心下上

下行有時唾血太甚為喉介微大為心痺引背善淚出
小甚為善噦微小為消痺滑甚為善渴微滑為心疝引
臍小腹鳴漚甚為瘖微漚為血溢維厥耳鳴癰疾 心
脉搏堅而長當病舌卷不能言其濡而散者當病消渴
自己 心脉之至也喘而堅詮曰有積氣在中時害於
食名心痺得之外疾思慮而心虛故邪從之扁鵲曰心
有病則口生瘡腐爛 心在聲為笑在變動為憂在志
為喜喜傷心精氣并於心則喜心虛則悲悲則憂實則

笑笑則喜 時主夏病者時間時甚知其源取其輸觀
其應審其害 病先發於心者心痛一日之肺喘欬三
日之肝脅痛支滿五日之脾閉塞不通身痛體重三日
不已死冬夜半夏日中病在心日中慧夜半甚平旦靜
假令心病北行若食豚魚得之不者當以冬時發得
病以壬癸日方 凡心病之狀胃內痛脇支滿兩脇下
痛膺背肩胛間痛兩臂內痛虛則胃腹大脇下與腰背
相引而痛取其經手少陰太陽舌下血者其變病刺郄

中血者 心脉沉之小而緊浮者不喘苦心下聚氣而
痛食不下喜咽唾時手足熱煩滿時忘不樂喜太息得
之憂思 心病其色赤心痛短氣手掌煩熱或啼哭罵
詈悲思愁慮面赤身熱其脉實大而數此為可治宜服

關宜服
煮藥

春當刺中衝夏刺勞宮季夏刺大陵皆補之秋

刺間使冬刺曲澤皆瀉之

此是手心主
心胞絡經

又當灸巨闕五

十壯背第五椎百壯邪在心則病心痛善悲時眩仆視
有餘不足而調其輸 愁憂思慮則傷心心傷則苦驚

喜忘善怒 心中寒者翕翕發熱不能起心中飢則飲

食食則嘔 心中寒者其人病心如噉蒜齏狀劇者心

痛徹背背痛徹心如蠱注其脉浮者自吐乃愈心傷其

人勞倦頭面赤而下重心中痛徹背自煩發熱當臍跳

手其脉弦此為心臟傷所致也 心水者其人身體腫

而少氣不得卧煩而躁其陰大腫真心痛手足青至節

心痛甚者旦發夕死夕發旦死 心脹者煩心短氣卧

不安 凡心脉急名曰心疝小腹當有形其以心為主

臟小腸為之使故小腹當有形 診得心積沉而芤時
上下無常處病胃滿悸腹中熱面赤咽乾心煩掌中熱
甚則唾血身瘕癥主血厥夏差冬劇色赤也 心病煩
悶少氣大熱熱上傷心嘔欬吐逆狂語汗出如珠身體
厥冷其脉當浮今反沉濡而滑其色當赤而反黑者此
是水之剋火為大逆十死不治 徵音人者主心聲也
心聲笑其音竽其志喜其經手少陰厥逆太陽則榮衛
不通陰陽反錯陽氣外擊陰氣內傷傷則寒寒則虛虛

則驚掣心悸定心湯主之語聲前寬後急後聲不續前
混後濁口喎冒昧好自笑此為厲風入心荊瀝湯主之
心虛風寒半身不遂骨節離解緩弱不收便利無度口
角喎邪薑附湯主之此病不盈旬日宜急治之又笑而
呻呻而反憂此為水剋火陰擊陽陰起而陽伏伏則實
實則傷熱傷熱則狂悶冒昧言多謬誤不可採聽此心
已傷若其人口脣正赤可療青黃白黑不可療也 赤
為心心合脉赤如鷄冠者吉心主舌舌是心之餘其人

火形相比於上徵赤色眇銳面小頭好肩背髀腹小手
足行安地疾行搖肩背肉滿有氣輕財少信多慮見事
明了好顧急心不壽暴死耐春夏不耐秋冬秋冬感而
生病主手少陰竅竅然髀髀長短傾正則心應之正赤
色小理者則心小小則邪勿能傷易傷以憂粗理者則
心大大則虛虛則寒寒則憂不能傷易傷於邪無髀髀
者則心高高則實實則熱熱則滿於肺中悶而善忘難
開以言髀髀小短舉者則心下下則藏外易傷於寒易

恐以言髑髒長者則心堅堅則藏安守固髑髒弱以薄者則心脆脆則善病消痺熱中髑髒直下不舉者則心端正端正則和利難傷髑髒向一方者則心偏傾偏傾則操持不一無守司也

一云若髑髒小短薄弱而下則心下下則虛虛則傷寒又憂恚

內損心暴痛而好唾清涎口臭蠱齒痛侵唇齒若髑髒高起則心高高則實實則熱熱則滿於心悶而善忘恐悸喉燥口痛牙癰舌傷小兒則便秘口重舌鵝口聲嘶 凡人部分陷起者必有病

生小腸太陽為心之部其處陷起即病生矣臟含內外部亦內外沉濁屬內浮清居外若外病內入小腹滿起

內病裏出所部陷沒外入內前治陽後補陰內出外前
補陰後瀉陽陽則實熱陰則虛寒在陽主外在陰主內
凡人死生休咎則臟神前變形于外人心前病則口為
之開張若心前死則枯黑語聲不轉若天中等分墓色
應之即死不治看應增損斟酌賒促賒則不出四百日
內促則不臻旬月之間心病少愈而卒死何以知之曰
赤黑色黯點顏即若見顏度年上此必卒死心絕一日
死何以知之兩目回回直視肩息立死凡面赤目白憂

恚思慮心氣內索面色反好急求棺槨不過十日死又面黃目赤不死赤如衄血死吉凶之色若在分部𩑦𩑦而見赤黑入口此必死不出其年名曰行尸若年上無應三年之中病必死矣 夏火心脉色赤主手太陽也夏取盛經分腠夏者火始治心氣始長脉瘦氣弱陽氣留溢熱熏分腠內至於經故取盛經分腠絕膚而病去者邪居淺也所為盛經者陽脉也其脉本在外踝之後應在命門之上三寸命門者在心下一寸也脉根在少